

# Studeanttaid psykososiála buresveadjima doarjun gáiddusoahpahusas

Satu-Maarit Korte, Janne Väätäjä, Pigga Keskitalo ja Solja Upola



# Sisdoallu



## Álgosánit

1	Gáiddusoahpahus ja gáiddusoahppan	4
2	Gáiddusoahpahusa plánema birra	6
3	Sosiálalaš, psyhkalaš ja fysalaš buresveadjin	10
4	Iešráđalaš doaibmama dáiddut ja iežas návccaide luohttin (iešnákcen)	14
5	Infográfa duvdašuvvama eastadeami strategijain	18
6	Infográfa duvdašuvvama eastadeami strategijain inklusiiva ja mánggakultuvrralaš konteavsttas	22
7	Vuorrováikkahuuslaš gáiddusoahpahusa doaibmanmálle	23
	Gáldut	24
		26

**Teavstta jorgalus:** Rauna Sajets

**ISBN 978-952-337-377-8**

Almmustahttima bistevaš čujuhus:

<https://urn.fi/URN:ISBN:978-952-337-377-8>

## ÁLGOSÁNIT

# Lohkkái

Dán rávagirjjáža ulbmlin lea juohkit dieđuid studeanttaid psykososiála buresveadjima doarjuma birra gáiddusoahpahusas. Rávagirjjáš lea oaivvilduvvon nuoraiguin doaibmi oahpahussuorggi bargiide ja bagadalliide vuodđoskuvllas ja nuppi ceahkis. Rávagirjjáža leat čohkken eOPE-fitnu doaibmit fitnus čohkon vásáhusaid ja bohtosiid vuodul. Fitnus ollašuhttojuvvodje bargobájít, maiguin kártejuvvojedje studeanttaid vásáhusat gáiddusoahpahusas COVID-19 -epidemiija áigge. Rávvagat vuodđuduvvet jurdagiidda, maid studeanttat leat ovdanbuktán das, mo neahta bokte lágiduvvon gáiddusoahpahus sáhtášii doarjut studeanttaid psykososiála buresveadjima. Gáiddusoahpahussii fertii sirdásit johtilit ja dát ásahii sihke studeanttaid ja oahpaheaddjiid odđa ja hástaleaddji dillái.

Gáiddusstderenbirrasiidda sirdáseapmi buvtii ovdan, ahte studeanttat gáibidedje searvvušlašvuoda, vuorrováikkhuusa ja doarjaga studeremii. Sirdáseapmi gáiddusoahpahussii buvtii eahpesihkkarvuoda das, mo oahpahusa galggašii lágidit, mo ládestit studeanttaid ja mo studerema áigge fuolahuvvo studeanttaid buresveadjimis ja oahppanjoksosiid olaheimis.

Dál go oahpahus lea máhccan ruovttoluotta luohkkálanjaide, gáiddusoahpahusa mielde álggahuvvon odđa, buorit geavadagat leat čahkaduvvon oassin oahpahusa. Oahpaheaddjiid hállu atnit ávkin ja iskkadit iešguđetlágan teknologijaid lea lassánan. Dás bagadallama rávagirjjážis suokkardallat gáiddusoahpahusa nu oahpaheaddji, studeantta go oahppamage vuolggasajis.

Rávagirjjážis ovdanbukto vuorrováikkhuuslaš gáiddusoahpahusa doaibmanmálle, mas áiccalmahttojuvvo ovdamearkkaid bokte, mo nuoraid sáhttá doarjut ja bagadallat gáiddusoahpuin.

## Fitnu duogáš

Dát rávagirjjáš gáiddusoahpahusas ja bagadallangeavadagain lea šaddan Davvebađaeatnama ealáhus-, johtolat-, ja birasguovddáža (EJB) miedihan ja Eurohpá sosiálaruhtaráju (ESR) ruhtadan eOPE – *Gáiddusoahpahussii oassálastima doarjun vuodđooahpahusas ja nuppi ceahki skuvlejumis* -fitnus (01.05.2021-31.09.2023). eOPE-fitnu lea jođihan Lappi universitehta Bajásgeassindiehtagiid dieđagoddi ja guoibmin lea leamaš Lappi skuvlenguovddáš REDU.

Fidnu vuodđuduvvá ovđdit ESR-ruhtadan eLAPPI-fitnus ožžojuvvon dihtui das, ahte Covid-19 -pandemiija dihte sirdáseapmi gáiddusoahpahussii ásahii skuvllaid/oahppolágádusaid áibbas odđa dillái, ja ahte oahpahusa bagadallangeavadagaide berre giddet fuomášumi.

## Giitosat

Mii háliidat giittit lieggasit studeanttaid, oahpaheaddjiid ja rektoriid, geat leat leamaš mielde eOPE-fitnu bargobájiin. Bargobájitleataddán málvssolaš dieđuvuorrováikkhuuslaš gáiddusoahpahusa doaibmanmálle ovddideami várás ja leamaš mielde ovddideamen dán girjji sisdoalu.

Mii giittit Davvebađaeatnama EJB-guovddáža ja ESR-ruhtaráju sihke Lappi universitehta ja Lappi skuvlenguovddáš REDU ovddidanbarggu doarjumis.

**eOPE-fitnu doaibmit Roavvenjárggas miessemánus 2023,**

**Satu-Maarit Korte**, eOPE-fitnu jođiheaddji ja prošeaktahoavda, Lappi universitehta

**Solja Upola**, áššedovdi, REDU

**Janne Väätäjä**, prošeaktabargi, Lappi universitehta

**Pigga Keskitalo**, áššedovdi, Lappi universitehta

# 1 Gáiddusoahpahus ja gáiddusoahppan


Gáiddusoahpahus ja gáiddusoahppan eai leat oðða áššit. Ovdamearkka dihte reivekurssat leat leamaš gávdnomis jo 1800-logu loahpas. Teknologija ovdáneami mielde reivekurssat leat vehážiid mielde sirdásan gáiddusstuderenhámiide, mat doibmet neahta bokte, dego neahttakursan ja rabas neahttakursan (MOOC). Dat lea rahpan vel eanet vejolašvuodžaid gáiddusstuderemii ja oahppamii almmá, ahte galgá čuovvut oahpahusa fysalačcat báikki alde. COVID-19 -epidemija áigge gáiddusoahpahus ja -oahppan šadde oahpisin máilmiviidosacčat buot oahppiide ja olbmuide, geat doibmet oahpahusbargguin. Vuorddekeahes dilli doalvvui oahpaheaddjiid ja studeanttaid máŋggaide iešguđetlágan vásáhusaide, ja buvtii ovdan dárbbu ovddidit gáiddusoahpahan- ja gáiddusbagadallandáidduid.

Makkár lea buorre gáiddusoahpahus studeanttaid vásáhusaid vuodul?

Studeanttaid gáiddusstuderemii čuhcet dahkit, mat laktásit **studerenbirrasii, iežas buresveadjimi ja studerenvugiide**. Studerenvásáhus lea dan láhkai sorjavaš máŋggain dahkiin, maidda studeanta ieš dahje oba oahpaheaddjige ii álo sáhte váikkuhit.

Studerenbirrasa lea dehálaš áddet ollislaččat nu, ahte studerenvásáhussii čuhcet sihke **ávnnaslaš** biras nuppiin sániiguin diehto- ja gulahallanteknologalaš infrastrukturra luohtegahti doaibma ja **vásáhuslaš dahje psykososiála studerenbiras** (Govus 1).

Dát ovttas hábmejit dássedettolaš ollisvuoden.



Govus 1. Studeantta gáiddusstuderenvásáhusa hápmašuvvan (Upola et al., 2023).

## Mánggalágan oahppanbirrasat

Oahpaheaddji gáiddusbagadallandáidduin lea mearkkašupmi, vai studeanta čatnasa studeremii ja movttáska das. Seamma láhkai studeantta ja oahpaheaddji gaskanas gaskavuohta, mii vuodđuduuvvá luohtámušii, váikkuha positiivvalačcat gáiddusoahpahussii. Oahpaheaddjis lea guovddáš bargu fuolahit gáiddusoahppodiimmu dorvvolaš atmosfearas.

Gáiddusstuderemis studeanta doaibmá dávjá iežas persovnnalaš birrasis. Danin *oahppanbirrasat* ja daid teknikhalaš rusttegiid dásit molsašuddet, mii buktá iežaslágan hástalusaid studeremii ja oahppamii. Ovdamearkka dihte neahettaoktavuohta sáhttá leat hiđis, ja dalle dieđusirdin doaibmá funet.

Seamma áigge ruovttus sáhttet leat earátge bearashahtut studeremen ja gáiddusbarggus. Vealttakeahttá buohkain ii leat olles áigge geavahusas iežas dihor, muho daid geavahusa ferte juohkit earáiguin. Dát fas buktá mielddis iežaslágan hástalusaid, jos buohkain bearashahtuin leat seamma áigge oahppodiimmut.

Nu studeanttat go maiddái oahpaheaddjitge sáhttet doallat kámera ja mikrofovnna geavaheami amasin. Dása sáhttá leat sivvan ovdamearkan dat, ahte ii hálit čájehit iežas ruovttu almmolačcat olles eará studerenjovkui. Heivehusat dego Teams dahje Zoom addet goittotge vejolašvuoda personifiseret iežas gova, mii oidno earáide, ovdamearkkka dihte iešguđetlágan duogášgovaiguin. Kámeraid geavaheapmái gáibiduvvo dábálačcat oahpaheaddjiid bagadallan iige daid alde dahje gitta doallama sáhte doallat diehtelassan. Nu kámeraid geavaheami go maiddái daid gitta doallama galgá ákkastallat.


Sus, guhte studere ruovttubirrasis, sáhttet leat maiddái ruovttudikšumii gullevašbarggut, dego borramuša ráhkadeapmi, bearashahtuin fuolaheapmi, biebmoealliid dikšun ja eará ruoktobarggut. Nu gáiddusstudenbirrasat maiddáidahketstudeanttain sierraárvosaččaid. Gáiddusstudenbirrasiidda gullevaš vejolašvuodaid ja hástalusaid earuheapmi eaktuda oahpaheaddjis buori oahppiid dovdámuša.



# 2 Gáiddusoahpahusa plánema birra

Gáiddusoahpahusa plánemis, ollašuhttimis ja ovddideamis heivehuvvojít seamma pedagogalašprinsihpatgolagasoahpahusas. Nulagas-, gáiddus-, gohybridaoahpahusage plánemis guovddáš ášši, mas vuolgit johtui, lea oahppanjoksosiid meroštallan. Dán manjá sáhttá válljet daid oahpahusvugiid ja reaidduid, mat dorjot oahppanjoksosiid.

Gáiddusoahpahusa lágideapmi eaktuda goittotge álo teknologiija/heivehusaid, maid lagasoahpahusas ii fas álo dárbaš. Ná gáiddusoahpahusa plánemis deattuhuvvo muddu, mas válljejuvvojít teknologijat/heivehusat geavahussii.



## ADDIE -oahppanplánema málle (Branch, 2009)

Gáiddusoahpahusa plánemis sáhttá geavahit veahkkin maiddái ovdamearkka dihte ADDIE -oahppanplánema málle, man bustávat oaivvildit *Analysa, Desing elege hábmen, Development elege ovddideapmi, Implementation elege ollašuhttin* ja *Evaluation elege árvvoštallan*.

**Analysamuttus** háliidit diehtit ja suokkardallat MAID oahppit dárbašit, mat leat oahppanjoksosat, oahppama váttisvuodat, dán áigásáš máhttu, vejolaš oahpahusvuogit ja áigeráddjehus.

**Hábmenmuttus** suokkardallat MO oahpahusa galggašii fállat ja makkár pedagogalaš vugiid ja digitála reaidduid gánneha geavahit vai joksá oahppanjoksosiid. Dalle gánneha smiehttat man ortnegis sierra temáid galggašii ovdanbuktit, mo oahppama gánneha árvvoštallat, mo oahppiid ovttasbarggu ja vuorrováikkuhusa sáhtášii doarjut ja mo oahppiid earálágantuohuota, mánggakultuvrralašvuhta ja mánggagielalašvuhta váldojuvvojít vuhtii.

**Ovddidanmuttus** plánema doalvut oahppamaterálaid ja sisdoaluid konkrehtalaš dássái ovdamearkka dihte sierra prográmmaid bokte (powerpointovdanbuktimat, videot jna.). Seamma áigge smiehttat makkár multimediaelemeanttai, oahpahusa nannejeaddji aktivitehtat ja hárjehusat, ožžot oahppiid čatnasit studeremii dahje buoridit oahppanvásáhusa. Ráhkaduvvon materálaid gánneha dábálaččat geahččalit ovdal geavaheami.

**Ollašuhttimis** plánet materálaid ja plánaid doalvuma geavadahkii, suokkardallat mo ovdamearkka dihte oahppanvásáhusaid ja beroštumi oahppamii sáhttit doarjut, ja mo oahppit sáhtášedje ovttastahttit ohppojuvvon áššiid albma eallimii. Seammás smiehttat mo materálaid juohkit oahppiide, dárbašago materálade digitála fierbmeoahppanbirrasa ja dárbašitgo oahppit rávvagiid áššiid gávdnama várás. Lassin smiehttat mo árvvoštallat oahppiid ja čoaggit máhcahaga oahpahusas.

**Árvvoštallan ja čovdosiid reflekeren** lea bistevaš proseassa buot oahpahusa mutuid áigge, vai dárbašlaš nuppástusaid sáhttá dahkat oahpahussii. Sáhttá smiehttat leatgo čovdosiin givrodagat dahje váilevuodat, leatgo ásahuvvon mihttomearit joksojuvvon, mo válljejuvvon oahppanvuogit ja ráhkaduvvon materálal heivejedje oahpahussii ja mo dat beroštahtte, movttiidahtte dahje movttáskahtte oahppiid.

## GEAVATLAŠ OVDAMEARKA

Mo álggahit gáiddusoahpahusa plánema?



### 1. Meroštala oahppanjoksosiid

- » vuhtiiváldde konteavstta, oahppoplána, mánngalágan oahppiid



### 2. Vállje oahpahusvugiid

- » omd. joavkobarggut, iehčanas bargan




### 3. Meroštala iešvuodžaid, maid dárbašat reaidduin, ja maid anát ávkin

- » omd. man álki lea dihto agat oahppiin geavahit reaidduid




### 4. Oza ja vállje oahppanproseassa dáfus heivvolamos reaidduid

- » jeara bargoskihpáriin, oza neahdas



### 5. Ollašuhte oahpahusa

- » gidde fuomášumi iežat ja studeanttaid rollaide oahpahusdiliin



### 6. Árvvoštala oahpahusa ja bargga nuppástusaid dárbbu mielde

# 3 Sosiálalaš, psyhkalaš ja fysalaš buresveadjin

Lea buorre muitit, ahte buresveadjin čoahkkana 1) sosiálalaš 2) psyhkalaš ja 3) fysalaš dakhkiin, maidda sahtát oahpaheaddjin váikkuhit.

Dasa lassin ustibat, beará lagašbiire leat guovddáš sajis ovddideamen nuora **sosiálalaš buresveadjima**. Studeanttat dábabálačcat ožot fámuid ja ávkašuvvet sosiálalaš vuorrováikkhuhusas, ja dovddus, ahte sii gullet jokkui – nuppiide dát sahttá leat noadđin ja iehčanas bargovuogit orrot sidjiide álkit.

*"Mielladearvašvuodjahehttehusat dahje daid šaddan vearrábun, oktonasvuohta, sosiálalaš gaskavuođat gáidosis ja oktavuođadoallan unnánaš. Muhtunlágan eretduvdašuvvama riska sahttá stuorrut."*



Mo don sahtát oahpaheaddjin doarjut studeanttaid sosiálalaš buresveadjima?

- » **Movttiidahte veahki bivdimii váttes diliin ja lágit diliid, main veahki sahttá bivdit spontánalačcat.**
  - > Positiivvalaš ja vuorrováikkhuhuslaš atmosfeara joavkobargguin
  - > Dorvvolaaš deaivvadeamit guovttágaskka
- » **Fála studeanttaide iešguđetlágan vugiid gulahallat sihke duinna ja eará studeanttaiguin.**
  - > Joavkobarggut, bagadallanáiggit

**Psyhkalaš buresveadjin** gáiddusoahpahusa áigge sahttá laktásit ovdamearkka dihte noadđái, man studeanta lea vásihan gáiddusoahpahusa áigge ja masa dus lea válvi váikkuhit.


*"Álggii átestit, go ii oahppan maidige. Dihtora ruvttó čáđa lei váddásutstuderet ja veahki bivdin lea váddásut go lagasoahpahusas. Maiddái okto orrun ruovttus go veardida skuvlii, gos leat sosiálalaš gaskavuođat, álggii átestit."*

Mo sahtát oahpaheaddjin doarjut studeanttaid psyhkalaš buresveadjima?

- » **Fála studeanttaide dilálašvuodaid buktit ovdan váttisvuodaid, mat laktásit oahppamii**
  - > Jeara oahpahusperioda áigge oahppiin mo sis manná
- » **Vuhtiiváldet oahpuid ollislaš noadí eará oahpaheaddjiiguin**
  - > Eai máhcahanáiggit, mat mannet badjálagaid
- » **Fála studeanttaide máŋggabealat vugiid čáđahit oahpuid**
  - > Vuhtiiváldde, ahte iežat oahpahanperioda áigge ii dárbaš atnit buot oahpahusvugiid, muhto guovddážis lea, ahte oahpuin mat leat jođus boahtá ovttalágan ollisvuohta.



Gáiddusoahpahusas lea maiddái dehálaš fuolahit **fysalaš buresveadjimis**, man dorjot jeavddalaš studerenbeaivvi rutiinnat. Oahpaheaddjin lea dehálaš diehit, ahte studeanttaid studerenbirrasat leat hui máŋgaláganat gáiddusoahpahusa áigge.



Mo sahtát oahpaheaddjin doarjut studeanttaid fysalaš buresveadjima?

- » **Doala bottuid, movttiidahte lášmmohallat/hárjehallat bottuin, čájet ovdamearkka**
- » **Daga iežat oahpahusvugiid ovddalgihtii oahpisin ja čielggasin**

## Sosiálalaš ja emotionála oahppan (SEL) (Yoder, 2014)

Gáiddusoahpusdiliin sáhttá orrut, ahte oahpahussii lea váttis hukset buori, dorvvolas ja vuorrováikkusušlaš mii-vuoinjña. Sosiálalaš ja emotionála oahppama málle čiekňu oahppanjoksosiid lassin dipma dáidduid ovdáneapmái. Sosio-emotionála máhttu oaivvilda almmolaččat dáiddu láhttet bures ja hálldašit iežas dovdduid sosiálalaš diliin. Málle sistisdoallá vihta dárkilut oassesuorggi: *iešdiđolašvuoda, iežas jođiheami dáidduid, sosiálalaš diđolašvuoda, olmmošgaskavuođadáidduid ja ovddasvástáduslaš mearrádusdahkama.*

**Iešdiđolašvuota** lea nákca earuhit iežas dovdduid, mii daidda sáhttá váikkuhit ja áddet iežas givrodagaid, headjuvuodaid, streassadahkkiid ja beroštumiid. Oahppi earuha maiddái earáid dovdduid ja mo iežas dovddut váikkuhit earáide. Son sáhttá reflekeret ja jearrat manin mus lea dakkár dovdu ja mo sáhtášin rievadit iežan láhttenvuogi. Sáhtát atnit ávkin čájáhhallama dahje govvideami málle dalle go veahkehat oahppiid earuhit makkár dovddut earáin dahje sis aldis leat.

**IEŽAS JOĐIHEAMI DÁIDDUT** addet indiviiddaide máhtu ja strategijiaid gieđahallat beaivválaš streassa ja hálldašit dovdduid hástaleaddji vuorrováikkusušdilálašvuodain dahje go lea muđuid váttis. Studeanttaid návcctat gieđahallat iežaset dovdduid váikkuhit oahppiid muitui ja kognitiivvalaš resurssaide, maid sii geavahit dallego barget oahppanbargguiguin. Ná oahppái ovdána áddejupmi dilis ja son oahppá, goas lea áigi jođihit, additearáidjođihitjagoasjamobargatiehčanasat. Dánoassesuorggiovdáneapmái veahkeha ovdamarkan dovdduid hálldašeami hárjehallan. Ovttasbargodáidduid sáhttá hárjehallat, nu ahte oassálastá joavkovaláštallamii ja spealuide. Dáid diliid sáhttá maŋnelabbo reflekeret ovttas ja das sáhttá addit konstruktivvalaš máhcahaga.

**Sosiálalaš diđolašvuota** addá indiviidii vejolašvuoda váldit vuhtii earáid geahčanguovlluid ja ovddidit empatijadáidduid. Sosiálalaččat diđolaš oahppit sihkkarabbo earuhit ja atnet árvvus earáid dovdduid, máhtu, oaiviliid ja persovnnalašvuodaid ovttaláganvuodaid ja erohusaid. Sii máhttet maiddái fierpmáiduvvat ja doaibmat joavku aktiivvalaš lahttun dan láhkai, ahte addet saji maiddái earáide. Dán sáhtášii hárjehallat ovdamarkan nu, ahte dahká joavkuin mearrádusaid ja oktasaš njuolggadusaid.

**Dáiddut olmmošgaskavuođain** addet oahppiide máhtu bajásdoallat dearvvašlaš ja dássedettolaš gaskavuođaid eará olbmuide, ja návccaid vuostálastit negatiivvalaš sosiálalaš deattu, čoavdit olbmuid gaskasaš konflivtaid ja ohcat dárbbu mielde yeahki. Studeanttaid galget máhttít bargat earáiguin vai sáhttet oassálastit joavkobargguide, daningo dat lea dehálaš dáidu maiddái bargoeallimis. Olmmošgaskavuođadáidduin čeahpes oahppi máhttá guldalit ja ráđđadallat, ádde sierra geahčanguovlluid ja juohká jurdagiid. Oahpat oahppiid geavahit ovdamearkka dihte digaštallan- ja konfliktačoavdindáidduid, ja hárjehala dialogaid singuin muttuid mielde, vai sii ohppet heivehallat dáiddu maiddái odđa diliin. Reflekterejeaddji guldaleami hárjehallat nu, ahte oahppit barget báraigui. Dalle nubbi go mitala ja govvida juoidá nubbi guldala ja de mitala maid lea gullan (oalle váttis).

**Ovddasvástáduslaš mearrádusdahkan** addá studeanttaide máhtu ja vihkchedallannávcctaid doallat mielas ehtalaš geahčanguovlluid, boahttevuoda, gudnejahtima ja dorvvolashvuodaoaidninciegaid mearrádusaid dagadettiin. Dát sistisdoallá návcctaid earuhit váttisvuodaid ja návcctaid ovddidit heivvolaš čovdosiid daidda váttisvuodaide, leat dat dasto sosiálalaš dahje akademalaš váttisvuodat. Doarjo váttisvuodaidčoavdindáidduid ovdáneami nu, ahte attát oahppiide barggu, mas analyseret dáhpáhusa dahje čuolmma ovdamarkan váttisvuodaidčoavdinmállii vuodđuduuvvi gažaldagaid bokte.

### GEAVATLAŠ OVDAMEARKA

Lágít rollaspealuid joavkuin, goas buohkaide sáhttá addit sierralágan rolla dahje aktivitehta, ovdamarkka dihte optimista, pessimista, sierra ámmáha ovddasteaddjit dahje sierra historjjá dehálaš olbmot. Joavkuin sáhttá maiddái dahkat ruossasátnebargguid, gažusbargguid, jurddakárttái ja sátnebalvaid ohppojuvvon temáin. Joavku sáhttá maiddái ovttas commenteret oahpahusvideoi nu, ahte bidjá daidda hállanbulljariid, vástádusaid jearaldagaide, notáhtaid ja vaikko liŋkkaid eará videoide.



# 4 lešráðálaš doaibmama dáiddut ja iežas návccaide luohttin (iešnákcen)

Iešráðálaš doaibmama dáidduin lea gažaldat áiggi- ja bargomeari hálldašeams ja individuála vugiin studeret dahje oahppat áššiid. Studeanttaid dáiddut doaibmat iešráðálaččat molsašuddet ollu, danin gáiddusstuderemis lea dehálaš, ahte studeanttas lea iežas personnalaš fierpmádat, gos sáhttá oažžut rávvagiid ja veahki gáiddusstuderema áigge. Oahpaheaddjin berre fuobmát maid, ahte studeanttat gáibidit doarjaga, bagadallama ja máhcahaga fuolatkeahattá sin dáidduin doaibmat iešráðálaččat.

Gáiddusstuderer neahta bokte sáhttá leat vejolašvuhta personnalaš iešnákcemá ja iešráðálaš doaibmama dáidduid ovdáneapmái. Iešnákcemá dáfus mearkkašahti ášši lea studeantta vásáhus dovddus, ahte hálldaša iežas studerema. Iešráðálaš doaibmama dáiddut ja positiiva iešnákcemá vásáhusat bohtet buoremusat ovdan diliin, main studeanta hutká ođđa vugiid studeret ja iežas vugiid ovddidit oahppama. Dát oidno ovdamearkan roahkkatvuohan geahččalit sierralágan studerenvugiid ja reaidduid/heivehusaid, mat dorjot studerema.

Mo sáhtát doarjut studeanttaid iešráðálaš doaibmama dáidduid ja iešnákcemá gáiddusstuderemis?

- » Bargga bargguide čielga rávvagiid ja árvvoštallamiid vuoduštusaid
- » Veahket iežat studeanttaid bargat alcceaset studerenáigeplána, mii doarju áiggi- ja bargguid hálldašeami ja masa lea merkejuvvon ee. bargguid máhcaheapmi ja almmolaš studerenáigi
- » Lágít iežat oahpahusa nu, ahte dat lea ovddalgihtii oahpis ja čielgasit strukturerejuvvon



## Iešráðálaš oahppan (SRL) (Peel, 2020)

Iešráðálaš oahppamis oahppi oahppá hálldašit iežas oahppama, áddet alcce heivvolaš oahppanstrategijiaid. Lassin son oahppá iehčanas doaibmama vugiid nu, ahte hástala iežas, ja oahppá árvvoštallat iežas oahppama. Oahpaheaddji lea bagadalli ja faciliterejeaddji rollas, seammásgo ráhkada oahppamii buori atmosfeara ja birrasa. ja veahkeha meroštallat oahppanjoksosiid. Bagadallan dáhpáhuvvá iešguđet oahpahuslaš vugiid ávkkástallamiin nu ahte doarjut oahppanproseassa, mas fállat maiddái báikki studerema bohtosiid ovdanbuktimii ja iešárvvoštallamii.

Iešráðálaš oahppama oahppat njealji dásis, maiguin oahpaheaddji plána mielde hárjeha oahppi: *ovttastahte oahppama, facilitere oahppama, bargga oahppamis máñggabealaga ja sosiálalačča*.

**Ovttastahte oahppama** govvida dan, mo oahppái fállojuvvo vejolašvuhta ulbmilaš oahppamii nu, ahte son atná ávkin *iežas beroštumiid* albma eallimis. *Dihtomielalašvuhta* dakhá oahppama joksanmeari oinnolažan. Oahppandili ovttastahttin *albma eallimii* ja árabut *ohppojuvvon áššiide* dahje *teorija geavadahkii*, nanne oahppama. Ovdamearkka dihte vuos muitaluvvo lossodatfámus ja de oažžu iskat ášši ieš geavadagas.

**Fasilitere oahppama** govida dan, mo oahppái fállojuvvo vejolašvuhta ja bargoreaidut ieš bargagoahtit aktiivvalačcat oahpuiguin, man oahpaheaddji čuovvu ja bagadallá ovddosguvlui. Vai oažžut dán barganvuogi doaibmat, lea buorre hárjehit oahppiid dihto *rutiinnaide*, maid oahpaheaddji lea ásahan, ja *dasa maid oahpaheaddji oahppiin vuordá*. Ná dilis dahje aktivitehtas nubbái sirdáseamis ii mana áigi duššái. Lea maiddái buorre addit oahppiide ovdamearkkaid, mo ieš dihto diliin, dego rehkenasttedettiin oaivvis, doaibmá. Ná sáhttá movttiidahttit oahppiid jurddašit iežaset jurddašanvuogi ja fuobmát *iežas oahppama ovdáneami*. Oahppama sáhttá fasiliteret maiddái visuálalačcat, ovdamearkan sánalaš barggu lassin temás ovdanbuktit dieđu govaiguin dahje videoiguin, dahje vaikko gažaldagaiguin, maidda oahppit galget gávdnat vástádusa. Oahpahusas sáhttá maiddái geavahit johtilis árvvoštallanreaidun laminerejuvvon vilges báhpára, masa oahppit bidjet vástádusa ovdamearkka dihte matemáhtalaš dahje man beare *gažaldahkii*. Go dáid loktet bajás oahpaheaddji oaidná dalán leatgo oahppit ádden oahpahuvvon ášši ja sáhttágo oahpahusas mannat ovddosguvlui.

**Máŋggalágan oahppan** govida dan, mo oahppái addit vejolašvuoda iešreflekeret ja mo oahppi jáhkku *iežas máhttui ja iešnákcemii nannejuvvo*. Dán doarju iešguđetlágan pedagogalaš vugiid ja maiddái árvvoštallanvugiid geavaheapmi. Áššiid, maid lea váddásutáddet, sáhttá bidjat unnit osiide dahje fállat *sierralágan vugiid* beassat seamma oaivilii *oahppanproseassas ja bargguin*. Lea maiddái buorre addit *vejolašvuoda* bargat barggu ovdamearkka dihte guovtti *sierra vugiin*, dalle oahppi sáhttá válljet vuogi, mii doaibmá sutnje, ovdanbuktit iežas. Okta bargguin sáhtášii leat obban čálalaš, go fas nubbi sáhtášii leat oassái čálalaš ja oassái sárgosa, video dahje jietnavuorkká hámis. Barggu addimis veahkeha oahppi dovdámuš vai oahpaheaddji sáhttá doarjut sierralágan oahppiid givrodagaid ja headjuvuodaid, ja *rábmot lihkostuvvama*.

**Sosiálalaš oahppan** oaivvilda dan, mo ovttasbargu oahppandiliin dahká oahppamis aktiivvalačča ja searvvušlačča, seammásgo addá vejolašvuoda maiddái positiivvalaš oahppanatmosferii, gulahllandáidduide ja olmmošgaskavuođaid huksemii ja bajásdoallamii. Sosialiseremis guovddážis lea positiivvalaš ja berošteaddji atmosfeara ráhkadeapmi, oktasaš ovddasvástádus oahppamis (ovdamearkka dihte joavkobarggu čoavdimis), gudnejahti gulahellan oahppiiguin ja sin fuolaheaddjiiguin, dasgo buohkaid ovttastahtta sávaldat oahppi buoremus vejolaš oahppanbohtosis.

## GEAVATLAŠ OVDAMEARKA

Ovdamearkka dihte lohkanbaji álggus dahje kurssá álggus, sáhttá fiermekursavuđđui dahkat oanehis kurssá ja oahppanvuodu ovdanbuktinvideo. Lassin, jos kurssá buot oahppit eai dovdda nubbi nuppiid, dahje jos vaikko oahpaheaddji lea ođđa ja háliida oahppat dovdat oahppiid buorebut, sáhttá dahkat videoovdanbuktima iežas birra (maiddái oahpaheaddji). Video gánneha leat oanehaš, 90-180 sekundda, ja dan várás lea buorre válljet mannu temá ja ovdanbuktit vaikko dan dakhama veahkkin gažaldagaid. Ná buohkat sáhttet oahppat muhtun ođđa áššiid nuppiin ja oahpásnuvvat nuppiide buorebut, seammás dat ráhkada buoret atmosfeara gáiddusoahpahusdiliide. Ovdamearkan sáhtášii leat kursa mainna oahpahit videoid dakhama. Dalle sáhttá ovdanbuktinvideos bivdit, muallit vehá alddis, gii lea ja masa lea beroštvvan, manin háliida oahppat dán fáttás, makkár filmmaide liiko ja maidda ii liiko jna.



## 5 Infográfa duvdašuvvama eastadeami strategijain




## 6 Infográfa duvdašuvvama eastadeami strategijain inklusiiva ja máŋggakultuvrralaš konteavsttas



# 7 Vuorrováikkusušlaš gáiddusoahpahusa doaibmanmálle

Vuorrováikkusušlaš gáiddusoahpahusa ulbmlin lea:



Pedagogalaš prinsihpat, mat dorjot vuorrováikkusušlušvuða:

Aktiivvalaš oahppan:

Movttiidahttá oahppiid oassálastit aktiivvalačcat ságastallamiid, joavkobargguid ja geavada prošeavtaid bokte

Sierranahttojuvpon oahpahus:

Oahpahusvugiid, -materiálaid ja árvvoštallama heiveheapmi vástdit ovttaskas oahppiid dárbbuid ja návccaid

Formatiivvalaš árvvoštallan:

Árvvoštala jeavdda-lačcat oahppi ovdáneami, vai sáhtát addit rívttes áigge máhcahaga ja heivehit oahpahusstrategijaid dan mielde



Vuorrováikkusušlušvuogit:

Synkronalaš vuorrováikkusuš:


Vejolašvuðaid ráhkadeapmi reálaáigášaš gulahallamii oahpaheaddjiid ja oahppiid gaskkas, dego Q&A-čoahkkimat ja joavkoságastallamat

Asynkronalaš vuorrováikkusuš:

Fállá vejolašvuðaid gulahallamii ja ovttasbargui reálaáigášaš čoahkkimiid olggobealde omd. šleadgapoasta

Veardášašovttasbargu:

Oahppiid roahkas-mahttin ovttasbargui veardášaččaiguin joavkoprošeavtaid ja juhkkojuvvon ášsegirjiid nuppástahtima bokte.



# Gáldut


**Branch, R. M. (2009).** Instructional design: The ADDIE approach (Vol. 722). New York: Springer.

**Korte, S.-M., Upola, S., Paksuniemi, M., Väätäjä, J., & Keskitalo, P. (2022).** A Model to Support Students' Psychosocial Well-Being: Promoting Student Self-Efficacy in Remote Learning. In E. Baumgartner, R. Kaplan-Rakowski, R.E. Ferdig, R. Hartshorne, & C. Mouza (Eds.), *A Retrospective of Teaching, Technology, and Teacher Education during the COVID-19 Pandemic* (pp. 25–30). Association for the Advancement of Computing in Education (AACE). <https://www.learntechlib.org/primary/p/221522/>

**Peel, K. L. (2020).** Everyday teaching practices for self-regulated learning. *Issues in Educational Research* 30(1), 260–282. <http://www.iier.org.au/iier30/peel.pdf>

**Upola, S., Korte, S.-M., Väätäjä, J., Paksuniemi, M., Lakkala, S., & Keskitalo, P. (2023).** Aineellinen ja kokemuksellinen etäopiskeluymäristö – opiskelijoiden kokemuksia etäopiskelusta COVID-19 -pandemian aikana [Material and experiential distance learning environment – students' remote learning experiences during the COVID-19 pandemic]. *Ammattikasvatuksen aikakauskirja*, 25(4), 10–27.

**Yoder, N. (2014).** Teaching the whole child: Instructional practices that support social-emotional learning in three teacher evaluation frameworks. Research-to-practice brief. *Center on Great Teachers and Leaders*.



**Lassefápmu**  
**EU:S**  
2014–2020



Europpá uniovvdna  
Europpá guovloovddidanoanda  
Europpá sosiálafaoanda

## Oktavuođadiedđut

**Satu-Maarit Korte**

Prošeaktahoavda, eOPE -fidnu  
satu-maarit.korte@ulapland.fi

**ISBN 978-952-337-377-8**

Almmustahttima bistevaš čujuhus:

<https://urn.fi/URN:ISBN:978-952-337-377-8>

